



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiariam, ac loca quædam vicina

Hund, Wiguleus

Monachii, 1620

Possessiones à Dominis de Horbach, sunt sine aduocatia & omni
exactione.

urn:nbn:de:hbz:466:1-13591

Altabensis, quam coram nobis fecit Conuentui in *Osterhouen* super jure quod ipsi *Osterhouen*. habebant in Ecclesia *Chassen*, tamen etiam propter voluntariam cessionem jam dicti P. clerici Conuentum in *Osterhouen* ab obseruatione huius³ iudicij sententialiter absoluius Ecclesiam in *Chassen* pleno jure tam in temporalibus quam spiritualibus adjudicantes eisdem ad quod faciendum id nos precipue induxit, qui per autenticum scriptum venerabilis in Christo fratris *Ludwici* Abbatis in *Alderspach Cisterciens.* ordinis, cui in iunxeramus ut priuilegia *Osterhouen* Ecclesie inspiceret nobis constitit Ecclesiam *Chassen* a felicitis memorie *Reinberto* quondam *Patau.* Episcopo, Conuentui *Osterhouen.* per Concambium fuisse traditam & postmodo a successore suo bonae memorie *Churado* ejusdem Ecclesie Episcopo confirmatam. Acta sunt hæc anno ab incarnatione Domini M. CC. XXVIII. XIII. Kln. Iulij in Conuentui majoris Ecclesie in *Patauia.* Testes hujus rei sunt P. Abbas *Altabensis* & eius Monachi, *Vlr. Bohemus, Wilhalmus* Can. de *Osterhouen.* *Rudolfus* & *Traiboto* Can. *Patau.* *Chunr.* major plebanus³, *Eberhardus* de *Veubtenpach.* *Albertus* de *Poffenmünster* R. de *Lansdorf.* Clerici verò *Vlr.* plebanus de *Mundsing.* *Chunr.* Scolasticus, *Heinr.* Physicus de *Ebrv,* *Walchün* cognomine *Dyabolus.* *Hartlieb* notarius Episcopi. *Pilgrinus* de *Waltchirchen,* *Rickerus* & *Heinr.* de *Pezenpach* de domo *S. Nicolai* Can. & alij quam plures.

De Mutain *Tekkendorf* & *Maedling.*

Vniuersis presentem paginam inspecturis. *Albertus* Comes de *Pogen* salutem. Vniuersitati vestre constare volumus & patere, quod nos fratribus in *Osterbouen* intuitu mercedis diuinae remittimus & indulgemus, jus quod habemus in rebus ipsorum, quæ deducuntur per comitatum nostrum siue in Danubio siue in *Ysara*, tam in viis, quam in portibus, tam in ascensu quam in descensu, ita quod nihil soluant officiatibus nostris. Et ut prædictis fratribus jus eis a nobis collatum saluum permaneat & perpetuum, presentem paginam munimine sigilli nostri roboramus, transgressoribus eam poenam infligentes, ut nobis vel ei ad quem jus nostrum deuoluitur quinque libras persoluant. Testes huius rei sunt. *Heinr.* de *Pholingen,* *Rudolfus* *Reubt,* *Godfridus* de *Schainbach,* *Albertus* de *Erlpach,* *Dietmarus* de *Podingen* & alij quam plures. Data Anno gratiæ Millef. CC. XXVIII.

De decima *Straubing* & *Ellenpach.*

Ludwicus Dei gratia Comes Palatinus *Reni* & Dux *Bavvaria.* Vniuersis Christi fidelibus salutem. Vniuersitati vestre volumus constare & patere, quod nos pro amore Dei Ecclesie sancte *Margareta* in *Osterhouen* contulimus perpetuo decimantes omnium reddituum nostrorum in *Straubing* & *Ellenpach.* Volumus etiam ut prædictæ decimationes non transeant in obligationem vel alienationem, sed prædictis fratribus ejusdem loci semper saluæ permaneant. Et ut ista donatio perpetua sit presens scriptum munimine sigilli nostri fecimus roborari. Data sunt hæc anno gratiæ Mill. CC. XXX. in *Ritenpurch.* Testes *Anshelmus* de *Iusting.* *Chunr.* & filius eius ejusdem nominis de *Hobenuelde,* *Pincerna,* *Leutoldus* de *Augia,* & filius eius, *Vricus* & *Ludwicus,* *Perchtoldus* *Pincerna* de *Oze,* & *Heinr.* notarius eius.

Possessiones à Dominis de *Horbach,* sunt sine aduocatia & omni exactione.

Vniuersis Christi fidelibus *Ludwicus* Dei gratia Comes Palatinus *Reni* Dux *Bavvaria* salutem. Contra falsam iniquorum assertionem & ne ipsa falsitas præjudicet

præjudicet veritati. Vniuersitati vestrae presentium auctoritate & in figura iudicij finaliter sententiam, quod omnes possessiones tam cultæ quàm incultæ collatæ Ecclesiæ sanctæ *Margaretæ* in *Osterhouen*, à *Chunrado* de *Horbach*. & à progenitoribus suis sunt sine jure aduocatiæ, nisi vnicus filius eius *Chunr.* velit ipsas defendere, habito respectu æternæ retributionis, & sine omni honore & onere jure aduocationis. Testes autem nostræ sententiæ sunt Comes *Heinr.* & *Chunr.* de *Mosburch*, Comes *Albertus* de *Pogen*, & *Otto* Comes de *Grünenpach*, & *Hoholdus* de *Nidekke*, *Heinricus* de *Lapide* *Chunr.* de *Hobennels*, & *Chunr.* filius ejusdem. *Leutoldus* de *Auwe*, & filij eius *Vlr.* & *Ludovicus* & alij quam plures. Acta sunt hæc *Lantzbur.* Anno gratiæ M. CC. XXIX. Datum *Kln.* Martij.

Libertates indultæ Monasterio à sede apostolica.

Gregorius IX. Episcopus Seruus Seruorum Dei. Dilectis filiis *Heinrico* Præposito in *Osterhouen* sanctæ *Margaretæ*, ejusq; fratrib. tam presentibus quàm futuris regularem vitam professis in perpetuum. Quotiens à nobis petitur quod religioni & honestati conuenire dinoscitur, animo nos decet libenti concedere ac petentium desiderio congruum suffragium impertiri. Ea propter dilecti in Domino filij, vestris justis postulationibus clementer annuimus, & Ecclesiam, *S. Marg.* in *Osterhouen*, in qua diuino estis obsequio mancipati, sub B. Petri & nostra protectione suscipimus, & presentis scripti priuilegio communimus. In primis siquidem statuentes, vt ordo Canonicus, qui secundum Deum & beati Augustini regulam in eod. loco institutus esse dinoscitur, perpetuus ibidem inuolabiliter obseruetur. Præterea quascunq; possessiones, quæcunq; bona ead. Ecclesia in presentiarum justè ac canonicè possideat aut in futurum concessione Pontificum, largitione Regum vel Principum, oblatione fidelium seu aliis justis modis præstante Domino poterit adipisci, firma vobis vestrisq; successoribus & illibata permaneant. In quibus hæc propriis duximus exprimenda vocabulis. Locum in quo præfata Ecclesia sita est cum omnibus pertinentiis suis ac filiabus suis, de *Poding*, *Mulheim*, *Chassen*, & decimis earundem, & alias possessiones in pratis, vineis, terris, nemoribus, vsuagis, pascuis, in bosco & in plano, in aquis & molendinis, in viis & semitis, & in omnibus aliis libertatibus & immunitatibus suis. Sanè noualium vestrorum quæ propriis manibus aut sumptibus colitis, vel de nutrimentis animalium vestrorum, nullus à vobis decimas exigere vel extorquere præsumat. Liceat quoq; vobis clericos vel laicos, liberos & absolutos è seculo fugientes ad conuersionem recipere, ac eos absq; contradictione aliqua retinere. Cum autè generale interdictum terræ fuerit, liceat vobis clausis januis excommunicatis & interdictis exclusis, non pulsatis campanis subpressa voce diuina officia celebrare, dummodo causam non dederitis interdictio. Prohibemus insuper vt nulli fratrum vestrorum, post factam in vestra Ecclesia professionem, fas sit sine sui Præpositi licentia de eodem loco, nisi arctioris religionis obtentu discedere, discedentem verò, absque communi literarum vestrarum cautione nullus audeat retinere. Chrisma verò, oleum sanctum, consecrationes altarium seu basilicarum, ordinationes clericorum, qui ad sacros ordines fuerint promouendi, à Dyocæsano suscipietis Episcopo, siquidem Catholicus fuerit, & gratiam & communionem sanctæ Romanæ sedis habuerit, & ea vobis voluerit sine prauitate aliqua exhibere. Prohibemus insuper vt infra fines parochiæ vestræ, nullus sine assensu Dyocæsani & vestro Capellam seu oratorium construere audeat saluis Priuilegiis Pontificum Romanorum. Sepulturam quoque ipsius loci liberam esse decreuimus, vt eorum deuotioni, & extremæ voluntati, qui se illic sepeliri deliberauerint placuerit, nisi fortè excommunicati vel